



ADMINISTRACIÓN LOCAL MUNICIPAL FISTERRA

Aprobación inicial da modificación da Ordenanza fiscal reguladora da prestación de servizos urbanísticos

ANUNCIO

EXPEDIENTE: 2021/G016/000001

O Pleno da Corporación, na sesión ordinaria que celebrou o pasado 2/12/2021, aprobou inicialmente o expediente de modificación da Ordenanza fiscal reguladora da taxa de servizos urbanísticos.

Por medio deste anuncio, expónse ao público na Intervención deste Concello, polo prazo de trinta (30) días hábiles, contados a partir do seguinte á publicación deste anuncio no Boletín Oficial da Provincia.

Durante este prazo, os interesados poderán examinar o expediente e presentar as reclamacións e/ou suxerencias que consideren pertinentes ante o Pleno da Corporación.

Simultaneamente, publicarase no portal web do Concello (dirección https://concellofisterra.gal/portal_cidadan/ordenanzas_municipais/gl) co obxecto de dar audiencia aos cidadáns afectados e recabar cantas aportacións adicionais poidan facerse por outras persoas ou entidades.

De non se presentar reclamacións e/ou suxerencias en prazo, a modificación da ordenanza reguladora considerarase definitivamente aprobada, entrando en vigor unha vez se publique co seu texto íntegro no Boletín Oficial da Provincia.

Todo iso, de conformidade co previsto no artigo 49 e 70.2 da Lei 7/1985, do 2 de abril, Reguladora das Bases de Réxime Local e artigo 56 do Real Decreto Legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local.

Fisterra, 7 de decembro de 2021.

O alcalde-presidente

Asdo.: José Marcote Suárez

2021/8525



CONCELLO DE FISTERRA

Rúa Santa Catalina, 1
15155 FISTERRA (A Coruña)
Telf. 981 740 001
Fax: 981 740 677

JUAN CARLOS CARRIL PEREZ, SECRETARIO – INTERVENTOR ACCIDENTAL DO
CONCELLO DE FISTERRA (A CORUÑA)

CERTIFICO:

Que o Pleno da Corporación na sesión ordinaria que celebrou o 2/12/2021, adoptou entre outros o seguinte acordo:

6) PROPOSTA DE APROBACIÓN INICIAL, SE PROCEDE, DA MODIFICACIÓN DA ORDENANZA FISCAL REGULADORA DA TAXA POLA PRESTACIÓN DE SERVIZOS URBANÍSTICOS.

Intervén o Secretario – Interventor accidental, manifestando que o Pleno da Corporación na sesión que celebrou o pasado 21/10/2021 acordou deixar sobre a mesa para un posterior estudo, a proposta de aprobación inicial da modificación da Ordenanza Fiscal Reguladora da taxa pola prestación de servizos urbanísticos.

Intervén o Sr. Alcalde-Presidente, José Marcote Suárez (PSdeG), manifestando que se trae de novo a plena a proposta coa intención de aprobar inicialmente o artigo 5 da taxa pola prestación de servizos urbanísticos, no que toca coas licenzas de primeira ocupación / apertura / funcionamento, e proceder co expediente ata a súa aprobación definitiva, toda vez que as tarifas que se están aplicando están totalmente desfasados e necesitamos actualizalas.

Á vista do anterior, e de conformidade co disposto no artigo 49 da Lei 7/1985, do 2 de abril, Reguladora das Bases de Réxime Local, o Pleno da Corporación por seis votos a favor (4 PSdeG e 2 BNG) e cinco en contra (grupo Popular), acorda:

1º) Aprobar Inicialmente a modificación do artigo 5.2.c) e do 5.10 da Ordenanza Fiscal Reguladora da taxa pola prestación de servizos urbanísticos, co seguinte contido:

“Artigo 5 . cota tributaria

2) Licenzas de primeira ocupación / apertura / funcionamento:

c) Edificacións ou locais con instalacións comerciais, industriais, hoteleiras ou hostaleiras: 1 € por cada m2 ou fracción.

10) Por toda aquela actividade municipal que se axuste ao feito impositivo desta ordenanza e non apareza especificada nos epígrafes destas tarifas, esixirase unha taxa mínima de 50 €”.

2º) Someter este expediente a información pública e audiencia aos interesados polo prazo de trinta (30) días hábiles, para a presentación de reclamacións e suxerencias, prazo que comezará a contar a partir do día seguinte ao da publicación do anuncio no Boletín Oficial da Provincial. Deberá publicarse, así mesmo, no taboleiro de anuncios da Casa do Concello.

3º) Simultaneamente, publicarase este acordo no portal web do concello (dirección: https://concellofisterra.gal/portal_cidadan/ordenanzas_municipais/gl) co obxecto de dar



CONCELLO DE FISTERRA

Rúa Santa Catalina, 1
15155 FISTERRA (A Coruña)
Telf. 981 740 001
Fax: 981 740 677

audiencia aos cidadáns afectados e recabar cantas aportacións adicionais podan facerse por outras persoas ou entidades.

4º) Concluído o período de información pública, as reclamacións e/ou suxerencias presentadas, deberán resolverse por acordo do Pleno da Corporación.

5º) No suposto de non se presentaren reclamacións ou suxerencias, entenderase definitivamente adoptado o acordo ata entón provisional.

6º) Para a entrada en vigor do acordo de aprobación definitiva (expresa ou tácita) da Ordenanza, deberá publicarse no Boletín Oficial da Provincia o texto integro definitivo da ordenanza, e entrará en vigor a partir do día seguinte ao da súa publicación. Así mesmo, estará a disposición dos interesados na sede electrónica deste concello /https://concellofisterra.gal/portal_cidadan/ordenanzas_municipais/gl).

E para que conste aos fins de unir ao expediente, expido e asino este certificado, de orde e co visto e prace do Sr. Alcalde-Presidente. Fisterra, sete de decembro de dous mil vinte e un.

Vº e Pr.

O Alcalde-Presidente

Asdo. José Marcote Suárez